

Sullivimmi avatangiisit aammalu suliffimmi iluarisimaarinninneq pitsanngoriaateqarnissaanut suliniutit tigussaasut aallaavigalugit sulinngitsoortarneq qanoq annikillisarneqarsinnaaneranut Suliffigissaaneq pillugu siunnersuisooqatigiit oqaaseqaatiliornissaa anguniarlugu Naalakkersuisut peqqusinissaat pillugu Inatsisartut aalajangiiffigisassaattut siunnersuut. Oqaaseqaat suliniutit qanoq ataqatigiissaarneqassanersut atuutsinneqalissanersullu siunnersuutinik tunniussissaaq. (Inatsisartunut Ilaasortaq Anna Wangenheim, Demokraatit)

Akissuteqaat

(Isumaginninnermut, Suliffeqarnermut Nunamullu Namminermut Naalakkersuisoq)

Aappassaanerinninneq

Aalajangiiffigisassatut siunnersuut manna maannakkut Inuussutissarsiornermut Aatsitassanullu Ataatsimiititaliamit suliarineqareerpoq.

Ataatsimiititaliami isumaliuutissiisummik sukumiisumik suliaqarnermut atatillugu Naalakkersuisut qujassuteqarput. Ataatsimiititaliap isumaqatigiittup isumaliuutissiisummi siunnersuutip akuersissutigineqarnissaa inassutigaa.

Siullermeerinninnermi Naalakkersuisut siunnersuummik tapersiillutik oqaatigaat, aamma Naalakkersuisut siunnersuut sulii tapersorsorpaat.

Taamatut naatsumik oqaaseqarlunga Naalakkersuisut siunnersuut aappassaaneerinninnissamut tunniuppaat.